



Broj: 01/14-11-5198-2/23
Sarajevo, 04.08.2023. godine

Na osnovu člana 70. stav (1) Zakona o javnim nabavkama BiH („Službeni glasnik BiH”, br.:39/14 i 59/22), a u vezi sa članom 79. Statuta Grada Sarajeva (“Službene novine Kantona Sarajevo”, broj 07/23), gradonačelnica Grada Sarajeva, donosi

O D L U K U

o izboru najpovoljnijeg ponuđača putem Otvorenog postupka

I

Prihvata se ponuda ponuđača Unigradnja d.d. Sarajevo zaprimljena na protokol ugovornog organa dana 28.07.2023. godine, broj protokola: 14-11-5539, u postupku javne nabavke putem Otvorenog postupka za izvođenje radova: „**Sanacija i restauracija fasade stambeno-poslovnog objekta „Beledija“ u ulici Brodac broj 4 i 6 u Sarajevu**“ sa ponuđenom cijenom nakon e-aukcije u iznosu od 319.216,68 KM bez PDV-a.

II

Sa ponuđačem Unigradnja d.d. Sarajevo, zaključit će se Ugovor o izvođenju radova iz tačke I ove Odluke.

III

Ova Odluka stupa na snagu danom donošenja.

Obrazloženje

Odlukom broj: 01/14-11-5198-2/23 od 07.07.2023. godine, pokrenut je postupak javne nabavke za izvođenje radova „Sanacija i restauracija fasade stambeno-poslovnog objekta „Beledija“ u ulici Brodac broj 4 i 6 u Sarajevu“, u postupku provođenja javne nabavke putem Otvorenog postupka. Obavještenje o nabavci objavljeno je na portalu Agencije za javne nabavke broj: 1278-1-3-116-3-61/23 dana 07.07.2023, dok je tendersku dokumentaciju preuzelo 14 ponuđača.

U određenom roku za dostavljanje ponuda na protokol ugovornog organa zaprimljene su dvije ponude i to od strane Unigradnja d.d. Sarajevo, te od strane Neimari d.o.o. Sarajevo.

Komisija za javnu nabavku, imenovana Rješenjem broj: 01/14-04-2107/23 od 16.02.2023. godine i broj: 01/14-04-2107-1/23 od 07.03.2023. godine na sastanku održanom dana 28.07.2023. godine, izvršila je javno otvaranje ponuda.

Komisija je utvrdila cijene prispjelih ponuda i to kako slijedi:



	Broj protokola	Ponudáč	Ukupna cijena Ponude bez PDV-a	Ponuđeni popust	Ukupna cijena Ponude sa popustom sa PDV-om
1.	14-11-5539	Unigradnja d.d. Sarajevo	371.216,68 KM	/	434.323,52 KM
2.	14-11-5540	Neimari d.o.o. Sarajevo	375.247,87 KM	/	439.040,00 KM

Nakon otvaranja ponuda, Komsijaje izvršila detaljnu analiza prispjelih ponuda, gdje je utvrdila da su ponude oba ponuđača dostavljene u skladu sa tenderskom dokumentacijom odnosno da ispunjavaju uslove koji su propisani tenderskom dokumentacijom.

Obavještenjem o nabavci kao i tenderskom dokumentacijom u ovom postupku nabavke, ugovorni organ je predvidio provođenje e-aukcije putem portala Agencije za javnu nabavku.

Nakon provedene e-aukcije i dostavljenog Izvještaja o toku i završetku e-aukcije od strane Agencije za javne nabavke, utvrđena je konačna rang lista ponuđača koji su učestvovali u e-aukciji i to kako slijedi:

R. broj	Naziv ponuđača	IDB/JIB	Konačna cijena u KM bez PDV-a	Umanjenje cijene	Rang
1.	Unigradnja d.d. Sarajevo	4200049590001	319.216,68 KM	14,01%	1
2.	Neimari d.o.o. Sarajevo	4200477040008	341.475,00 KM	9%	2

Komisija za javnu nabavku sačinila je Zapisnik o pregledu i ocjeni ponuda od 03.08.2023. godine, te dala preporuku gradonačelnici da se ugovor za izvođenje radova: „Sanacija i restauracija fasade stambeno-poslovnog objekta „Beledija“ u ulici Brodac broj 4 i 6 u Sarajevu“, dodjeli Unigradnja d.d. Sarajevo sa ponuđenom cijenom u iznosu od 319.216,68 KM bez PDV-a.

U postupku ocjene provedenog postupka, ugovorni organ nije našao razloge nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Izabrani ponuđač je u obavezi da u roku od 5 (pet) dana od dana prijema Odluke o izboru najpovoljnijeg ponuđača, dostavi ugovornom organu novi Obrazac za cijenu ponuda koji je usklađen sa cijenom nakon provedene e-aukcije, kako bi ugovorni organ mogao vršiti praćenje i realizaciju ugovora i ostalu dokumentaciju koja je propisana tenderskom dokumentacijom.

Novi Obrazac za cijenu ponude potrebno je popuniti u skladu sa članom 8. Pravilnika o uslovima i načinu korištenja e-aukcije, kojim je propisano „**da ukoliko se tehnička specifikacija sastoji od više pozicija, tada se svaka od pozicija umanjuje za isti procenat koliko iznosi konačno procentualno umanjenje ukupne cijene postignute nakon e-aukcije te se na tako umanjenu cijenu nudi zaključivanje ugovora najpovoljnijem ponuđaču**“.

Prihvatajući preporuku Komisije gradonačelnica Grada Sarajeva donosi ovu odluku.

POUKA O PRAVNOM LIJEKU:

Ponuđač koji je učestvovao u postupku javne nabavke može radi zaštite svojih prava i pravnih interesa u roku od 10 (deset) dana od prijema obavijesti (odluke) o izboru najpovoljnijeg ponuđača izjaviti žalbu putem ugovornog organa u dovoljnom broju primjeraka.

Za zakonitost odgovaraju:

Šef Odjeljenja za javne nabavke: Suada Kovačević

Rukovodilac Stručne službe za poslove kabineta i poslove Gradske uprave: Dženana Šarčević

GRADONAČELNICA

Doc.dr. Benjamina Karić

Dostaviti:

- ponuđačima

- a/a